

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI^e siècle apparentés au *Trésor des joyeuses inventions*](#)[Collection](#)[ŒUVRE : Récréation et passetemps des tristes](#)[Collection](#)[Édition : 1573 - Recreation et passetemps des tristes - Huillier](#)[Item](#)[1573_Recrepastemps_Hui] 125 Tous les escritz injurieux

[1573_Recrepastemps_Hui] 125 Tous les escritz injurieux

Présentation générale du poème

Titre de la pièce Souhait à un Mal Disant. Vers lyriques.
Incipit non modernisé Tous les escritz injurieux

Les pages

En passant la souris sur une vignette, le titre de l'image apparaît.

6 Fichier(s)

Présentation de l'exemplaire

Formatin-16

Imprimeur-libraire L'Huillier, Pierre

Date 1573

Lien vers la notice du catalogue de la bibliothèque où est conservé l'exemplaire <https://catalogue.bnf.fr/ark:/12148/cb39337170w>

Type de numérisation Numérisation totale

Emplacement du poème

Rang dans le recueil n° 125

Foliotation D5r, D5v, D6r, D6v, D7r, D7v

Présentation typo-iconographique Pas d'illustration

Informations sur la notice

Contributeur(s) Speyer, Miriam

Éditeur Équipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Source gallica.bnf.fr / BnF

Notice créée par [Côme Saignol](#) Notice créée le 24/10/2017 Dernière modification le

04/11/2021

DES TRISTES.

Parquoy d'eussiez (si vous estiez bien sage)
Ne me chercher seulement que de nuit.

D'un Abbé ayant la goutte.

L'abbé à vn proces à Romme,
Et la goutte aux piedz, le pauvre homme,
Mais l'aduocat s'est plaint à maintz
Que rien au poing il ne luy boute,
Celà, n'est pas aux piedz la goutte,
C'est bien plustost la goutte aux mains.

Souhait à vn mal disant.

Vers liriques.

Tous les escritz iniurieux
Que te transmist vn furieux,
Ne meritent responce :
Toutteffoys seulement pour rire
Tu luy peux quelque chose escrire,
Digne de sa sermonce.

Souhaite que le sens luy faille,
Que son sçauoir rien ne luy vaille
Ny en dictz, ny en faictz :

Sil s'entremet de quelque affaire,
Iamais ne le puisse parfaire,
Mais tombe souz le faiz.

En mille lieux son penser mette,
Fauur, amour, biens se promette

RECREATION

A part à son courage,
 Puis tout soudain à soy reuienne,
 Et si desesperé se tienne,
 Qu'il en creue de rage.

Qu'il se peigne en son cerueau creux,
 Sage, riche, sçauant, & preux,
 Graue, & plein de vertus:
 Vueille frapper, mordre, ruer,
 Mais quant viendra aux coups ruer
 Soit le premier battu.

Perdre tout le bien qu'il possède,
 Rien qu'au rebours ne luy succede,
 Quoy qu'il puisse esperer,
 En ses amys point ne se fie,
 Tous ceux, ausquelz il porte enuie
 Il voye prosperer.

De tous empruntz qu'il pourra faire,
 Soit à tous coups pour satisfaire,
 Adiourné, ou cité:
 Si quelqu'un vient à luy deuoir,
 Iamais n'en puisse rien auoir
 A la necessité.

De proces iamais il ne sorte,
 Mais malgré luy, en quelque sorte,
 De l'un en l'autre tombe:
 Et puis ayant bien attendu,

DES TRISTES.

Tout son temps, & bien despendu,
A la fin il succombe.

Qu'il ait, quant il yra par voye,
Courant toute la course,
Sans que nul le chemin luy monstre,
Et au soir le brigant rencontre
Qui luy oste sa bourse.

Homme n'y ait qui le recueille,
Ou quelconque loger le vueille,
N'entende son langage,
Le lendemain tout mal traicté,
De son hoste soit arresté,
S'il ne luy laisse gage.

Et puis apres longue saison,
En entrant dedans sa maison
Y trouue le sergent,
Petis enfans mourans de faim,
En la huche morceau de pain,
Au coffre point d'argent.

Femme qui luy caquette & grongne,
Varlet, larron, ioueur, yurongne,
Mensonger, & superbe,
Foyer obscur & enfumé,
Avec vn pot mal escumé,
Sans sel, saueur, ny herbe.

Saille coucher mal à son ayse,

RECREATION

Aupres d'une femme punaise,
 Que peu ou point ne dorme,
 De les songes tous les plus beaux
 Soient tenebres, prisons, corbeaux,
 Et toute chose enorme.

S'il faict quelque agreable songe
 Qu'il se conuertisse en mensonge,
 Et ce bien briefuement,
 Et s'il en faict d'espouventables.
 Qu'ilz se tiennent tous veritables.
 Consecutiuent.

En esté ne trouue point d'vmbre,
 Les mouches luy font encombre,
 De chaut & de soif meurent,
 Puis quand l'hyuer sera venu,
 A la gelée pauvre & nu
 En la Beausse demeure.

De iour soit qu'il entre ou qu'il sorte;
 Se heurte la teste à la porte
 souz la mercy du Barbier,
 La nuit il trouue pour embusche,
 Vne charrette, ou vne busche,
 Ou tombe en vn boubier.

S'il est à l'amour adonné
 Des dames, il soit blasonné,
 sans qu'il s'en appercoiue,

DES TRISTES.

D'une vicille de laideur pleine,
Encor que ce soit à grand peine
Son passetemps reçoive,

Si pour iouer se met en bende,
De son bien, tant il de'pende
Qu'il n'en demeure plus,
S'il y-a vingt & vn demy,
Aduienne que son ennemy
Rencontre vn petit flu.

En pauueteré puisse vieillir
La sieure le vienne a cueillir,
Ne meure ne guarisse,
Ne trouue point de mieieur lieu
Qu'en estable, ou vn hoftelieu,
Grand faudra qu'il perisse.

Or pour vn larcin ou forfait
Encores qu'il ne l'ay pas fait,
En prison soit traine,
La ou ayant long temps vescu,
A la fin il soit conuaincu,
Et au gibet mené.

Tout cela fera souhaitant,
A celuy la qui te hait tant,
Et qui te fait la guerre,
Ou si ton souhait trop le greue.
Meure de mort subite & giefue,

RECREATION

En eau, feu, air, ou terre.

D'une dame se plaignant de
son amy vieillard.

Quand souuent ie pry mon mary
Il me respond ie suis marry,
Qu'il faut que ie vous le refuse,
N'est-ce pas vne belle excuse;

A vne Dame:

Ie t'ayme d'amour si extreme,
Que ie me donne a toy moy mesme.
Si tu ne veux iouyr de moy,
Aumoins que iouysse de toy.

De Catin,

Souuent ie veux baiser Catin,
Laquelle n'ose (pour sa mere)
Me baiser ne soir ne matin
Qui est dure chose & amere,
Vn iour la mere par mistere,
Fut deceue sans y viser,
Catin vint l'enfant appaiser,
Mais elle entend bien son tatin:
Lors ie fais semblant de baiser
L'enfant, & ie baise Catin.